

ხელშეკრულება

სახელმწიფო შესყიდვის შესახებ №72

ქ. თბილისი

15 ივნისი 2017წ.

სსიპ - საქართველოს შსს აკადემია (მისამართი: ქ. თბილისი, გმირი კურსანტების ქუჩა N4, საბანკო რეკვიზიტები: სახელმწიფო ხაზინა, საიდ. კოდი - 209467628, ტელ: 558 282818), შემდგომში წოდებული „შემსყიდველად“, წარმოდგენილი მისი პროექტორის იაკობ ღლონტის სახით და მიმწოდებელი: შპს „ენ თი სი“

დირექტორი: ირაკლი ჯანგულაშვილი

საიდენტიფიკაციო კოდი: 405148969

მისამართი: ქ. თბილისი, დიდი .დიდოში 3მ/რ, კორ.7

საბანკო რეკვიზიტები: სს „თიბისი ბანკი“, ბანკის კოდი: TBCBGE22;ა/ა: GE88TB7247036020100002

ორივე ერთად შემდგომში წოდებული როგორც „მხარეები“ ვხელმძღვანელობთ რა საქართველოში მოქმედი კანონმდებლობით, „სახელმწიფო შესყიდვების შესახებ“ საქართველოს კანონის, „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე, გამარტივებული ელექტრონული ტენდერის (SPA170006768) ჩატარების შედეგად ვდებთ სახელმწიფო შესყიდვის შესახებ ხელშეკრულებას შემდეგზე:

1. გამოყენებული ტერმინების განმარტებები

1.1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1.1. "ხელშეკრულება სახელმწიფო შესყიდვის შესახებ" (შემდგომ - "ხელშეკრულება") -შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.1.2. "ხელშეკრულების ღირებულება" ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.1.3. "შემსყიდველი ორგანიზაცია" (შემდგომ "შემსყიდველი") ნიშნავს ორგანიზაციას (დაწესებულებას), რომელიც ახორციელებს შესყიდვას;

1.1.4. "მიმწოდებელი" ნიშნავს პირს, რომელიც ახორციელებს მომსახურების მიწოდებას სახელმწიფო შესყიდვის შესახებ მოცემული ხელშეკრულების ფარგლებში;

1.1.5. "დღე", "კვირა", "თვე" ნიშნავს კალენდარულ ან/და სამუშაო დღეს, კალენდარულ კვირას, კალენდარულ თვეს.

1.1.6. „ტექნიკური დოკუმენტაცია“ - მიმწოდებლის მიერ SPA170006768 გამარტივებული ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც ერთვის ხელშეკრულებას, როგორც მისი განუყოფელი ნაწილი.

2. ხელშეკრულების საგანი

2.1 სსიპ - საქართველოს შსს აკადემიის მიერ მაისურის და კეპის (CPV 18200000) შესყიდვა.

3. შესყიდვის ღირებულება

3.1 შესყიდვის ობიექტის ფასი განისაზღვრება ეროვნულ ვალუტაში, ლარში.

3.2 შესყიდვის ობიექტის საერთო ღირებულება შეადგენს - 23 790.00 (ოცდასამი ათას შვიდასოთხმოცდაათი) ლარს.

3.3 ხელშეკრულების ღირებულება მოიცავს, როგორც შესყიდვის ობიექტი ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

4. მხარეთა ვალდებულებები და პასუხისმგებლობა

4.1. მიმწოდებელი იღებს ვალდებულებას შემსყიდველის მიაწოდოს **მაისური და კეპი**, ხელშეკრულების პირობებისა და ამავე ხელშეკრულების დანართი №1-ის შესაბამისად.

4.2 მიმწოდებლის მიერ მიწოდებული შესყიდვის ობიექტი უნდა შეესაბამებოდეს მხარეთა მიერ შეთანხმებულ ხარისხს, ხოლო ასეთი შეთანხმების არ არსებობის შემთხვევაში შესყიდვის განხორციელების მიზნის შესაბამის ხარისხს.

4.3 მიმწოდებელი ვალდებულია განიხილოს შემსყიდველის პრეტენზიები და მიაწოდოს მოტივირებული პასუხი ყველა კითხვაზე.

4.4 მიმწოდებელი ვალდებულია დაუყონებლივ გამოასწოროს შემსყიდველის მიერ აღმოჩენილი ხარვეზი.

4.5 შემსყიდველი ვალდებულია აუნაზღაუროს მიმწოდებელს ხელშეკრულების ფასი, ხელშეკრულებით გათვალისწინებული ოდენობისა და ფორმის შესაბამისად.

5. შესყიდვის ობიექტის მიწოდების წესი, ვადები და ადგილი

5.1. მიმწოდებელმა შემსყიდველს ამ მუხლით განსაზღვრულ ვადაში და ადგილზე უნდა მიაწოდოს უფლებრივად და ნივთობრივად უნაკლო, სათანადოდ შეფუთული და სრული დოკუმენტაციის თანხლებით წარმოდგენილი საქონელი.

5.2. შესყიდვის ობიექტის ტექნიკური მახასიათებლები და ხარისხი ერთდროულად უნდა შეესაბამებოდეს ამ ხელშეკრულებისა და შემსყიდველის მიერ განსაზღვრულ ტექნიკურ პირობებს და პარამეტრებს.

5.3. შესყიდვის ობიექტის მიწოდება განხორციელდება **ხელშეკრულების გაფორმებიდან 40 კალენდარული დღის ვადაში**.

5.4. შესყიდვის ობიექტის მიწოდების ადგილია: ქ. თბილისი, გმირი კურსანტების ქუჩა №4

6. ხელშეკრულების შესრულების კონტროლი

6.1. შემსყიდველი უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

6.2. ხელშეკრულების შესრულების კონტროლს განახორციელებს შესაბამისი უფლებამოსილი პირ(ებ)ი (ინსპექტირების ჯგუფი) კერძოდ, სსიპ - საქართველოს შსს აკადემიის პროფესიული მომზადების სამმართველოს უფროსი **ირინა აბრამიშვილი**.

6.3. ინსპექტირების მიზნით, ხელშეკრულების გაფორმებიდან 5 (ხუთი) სამუშაო დღის ვადაში მიმწოდებელი ვალდებულია წარუდგინოს შემსყიდველი ორგანიზაციის ინსპექტირების ჯგუფს მისაწოდებელი საქონლის თითო ეგზემპლართან ერთად სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“, „SGS“, „INTERTEK“ ან სხვა აკრედიტირებული პირის (ასეთ შემთხვევაში, დასკვნასთან ერთად წარმოდგენილ უნდა იქნას დასკვნის გამცემი პირის აკრედიტაციის დამადასტურებელი დოკუმენტის ასლი) მიერ გაცემული შესაბამისი დასკვნის დედანი, რომელიც ჩაუტარდა თითოეულ შესყიდვის ობიექტს (საბოლოო პროდუქტს) და რომელშიც მითითებული იქნება გათვალისწინებულ საქონელზე ქსოვილების შემადგენლობა, წონა, (ასევე შემსყიდველის მოთხოვნის შემთხვევაში საქონლის მოწოდების დროს ანალოგიური დასკვნის წარმოდგენა მოწოდებულ შესყიდვის ობიექტზე).

6.4. ექსპერტიზის დასკვნის დედანი, ექსპერტიზა გავლილ საქონელთან ერთად წარმოდგენილი უნდა იყოს დალუქულ მდგომარეობაში. (ასეთის არ არსებობის შემთხვევაში, პრეტენდენტმა შესაძლებელია

წარმოდგინოს ექსპერტიზა გავლილი საქონელი დალუქულ, ხოლო ექსპერტიზის დასკვნის დედანი დაუलუქავ მდგომარეობაში. ამ შემთხვევაში შესაძლებელი უნდა იყოს დალუქული საქონლის, შესაბამისი ექსპერტიზის დასკვნასთან იდენტიფიცირება. მაგალითად, ექსპერტიზის დასკვნის ინდივიდუალური ნომერი უნდა ემთხვეოდეს დალუქული საქონლის შეფუთვაზე (შეფუთვაში) არსებულ ნომერს).

6.5. ეგზემპლარებისა და ექსპერტიზის დასკვნ(ებ)ის წარმოდგენილობის ან მათი ხელშეკრულებით გათვალისწინებული მოთხოვნებთან შეუსაბამობის შემთხვევაში შემსყიდველი უფლებამოსილია მხოლოდ ერთხელ, განუსაზღვროს მიმწოდებელს დამატებითი, გონივრული ვადა (წერილობითი შეტყობინებიდან არაუმეტეს 10 (ათი) კალენდარული დღე) არსებული ხარვეზის აღმოსაფხვრელად, რისთვისაც დანახარჯების გაწევა ევალება მიმწოდებელს. აღნიშნული ვადის გადახედვა შესაძლებელია მხოლოდ, მიმწოდებლისგან დამოუკიდებელი, ობიექტური მიზეზის დადგომის შემთხვევაში, რაც უნდა დადასტურდეს ფაქტობრივი მტკიცებულებით (დოკუმენტალური დადასტურება).

6.6 შემსყიდველის მიერ ინსპექტირება განხორციელდება ხელშეკრულების შესრულების ნებისმიერ ეტაპზე.

6.7 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით ან/და ზეპირსიტყვიერი ფორმით აცნობებს მიმწოდებელს წუნდების მიზეზების მითითებით.

6.8 იმ შემთხვევაში, თუ შემოწმების შედეგად დადგინდება მიწოდებული საქონლის ხარისხის შეუსაბამობა ამ მუხლით გათვალისწინებულ სტანდარტებთან, მიმწოდებელი ვალდებულია გამოასწოროს წუნს გონივრულობის ფარგლების გათვალისწინებით უმოკლეს ვადაში.

6.9 მიმწოდებელი ვალდებულია საკუთარი ხარჯით უზრუნველყოს ინსპექტირების შედეგად გამოვლენილი ყველა დეფექტის ან ნაკლის აღმოფხვრა.

7. შესყიდვის ობიექტის მიღება-ჩაბარების წესი

7.1 შესყიდვის ობიექტის გადაცემა დასტურდება მხარეთა უფლებამოსილი წარმომადგენლების მიერ ხელმოწერილი, კანონმდებლობით დადგენილი შესაბამისი დოკუმენტაციის (მიღება-ჩაბარების აქტი) გაფორმებით.

8. ანგარიშსწორება

8.1. შემსყიდველი ვალდებულია აანაზღაუროს გაწეული მომსახურების ღირებულება ხელშეკრულებით გათვალისწინებულ ვადაში და პირობებით.

8.2. ანგარიშსწორება განხორციელდება უნაღდო ანგარიშსწორების გზით.

8.3. ანგარიშსწორება მოხდება ეროვნულ ვალუტაში (ლარში);

8.4. ანგარიშსწორება შემსყიდველის მიერ მოხდება საქონლის გადაცემის შემდგომ, მიღება-ჩაბარების აქტის ხელმოწერის, შესაბამისი საგადასახადო ანგარიშ-ფაქტურის გამოწერისა და წარმოდგენის შემდეგ
10 სამუშაო დღის ვადაში;

8.5. თუ შემსყიდველის მიერ ხელშეკრულებით განსაზღვრული ფაქტობრივად მოწოდებული საქონლის ღირებულებამ არ შეადგინა წინამდებარე ხელშეკრულებით გათვალისწინებული სრული თანხა, შემსყიდველი გადაუხდის მიმწოდებელს ფაქტიურად მოწოდებული საქონლის ღირებულებას. აღნიშნულიდან გამომდინარე, შემსრულებელი კარგავს მოსაწოდებელი საქონლის ანაზღაურების მოთხოვნის უფლებას.

9. ხელშეკრულებაში ცვლილებების შეტანა

9.1. ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის მიერ უფლებამოსილი წარმომადგენლების ხელმოწერით.

9.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3. დაუშვებელია ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, გარდა საქართველოს სამოქალაქო კოდექსის 398-ე

მუხლით დადგენილი შემთხვევებისა, "სახელმწიფო შესყიდვების შესახებ" საქართველოს კანონის და სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნათა გათვალისწინებით.

9.4. ხელშეკრულების პირობების ნებისმიერი ცვლილება, რომელიც განხორციელებულია ამ მუხლის მოთხოვნათა დაცვით, წარმოადგენს ხელშეკრულების განუყოფელ ნაწილს.

10. ხელშეკრულების პირობების შეუსრულებლობა

10.1. მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად და მოთხოვნილი ხარისხის შესაბამისად ხელშეკრულებით დათქმულ დროსა და ადგილას. მხარეები პასუხს აგებენ ხელშეკრულებით განსაზღვრული პირობების შეუსრულებლობის ან არაჯეროვანი შესრულებისათვის ხელშეკრულებითა და საქართველოს კანონმდებლობით დადგენილი წესით;

10.2. ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობა ან/და დაგვიანებით შესრულების შემთხვევაში გამოიყენება საჯარიმო სანქციები, რომელთა ფორმა, ოდენობა, ამოქმედების პირობები და გადახდის ვადები განსაზღვრულია ხელშეკრულების პირობების ამ მუხლში.

10.3. თუ მიმწოდებელი ხელშეკრულებით გათვალისწინებული პირობებს ვერ შეასრულებს (შესრულების ვადა, ხარისხი) ან/და დაარღვევს კეთილსინდისიერების პრინციპს, შემსყიდველი უფლებამოსილია:

ა) შეწყვიტოს წინამდებარე ხელშეკრულება და მიმწოდებელი ხელშეკრულების არაჯეროვანი შესრულებისათვის დააჯარიმოს ხელშეკრულების საერთო თანხის **10%-ის** ოდენობით ან

ბ) ხელშეკრულების დანართ N1-ით განსაზღვრული მომსახურების გაწევის ვადების გადაცილების შემთხვევაში, მიმწოდებელს ყოველ ვადაგადაცილებულ დღეზე დააკისროს პირგასამტეხლო მიუწოდებელი შესყიდვის ობიექტის ღირებულების **0.5%-ის** ოდენობით.

გ) თუ კი პირგასამტეხლოს ოდენობა მიაღწევს ხელშეკრულების საერთო ღირებულების **5%** და იგი ვერ განხორციელებს შესყიდვის ობიექტის სრულად მოწოდებას და/ან არ გამოასწორებს აღმოჩენილ ხარვეზს (ასეთის არსებობის შემთხვევაში) შემსყიდველი უფლებამოსილია შეწყვიტოს წინამდებარე ხელშეკრულება.

10.4 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) შემსრულებლის გაკოტრების შემთხვევაში;

გ) თუ მისთვის ცნობილი გახდება, რომ შემსრულებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

11. ხელშეკრულების მოქმედების ვადა

11.1. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს **2017 წლის 15 სექტემბრის ჩათვლით**.

12. ფორს-მაჟორი

12.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

12.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ

გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

12.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

13. სადაო საკითხების გადაწყვეტა

13.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

13.2. თუ მოლაპარაკებების შედეგად მხარეები გონივრულ ვადაში ვერ შეძლებენ სადავო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს საერთო სასამართლოს.

14. ხარისხი და გარანტია

14.1 მიმწოდებელი იღებს ვალდებულებას მიაწოდოს შემსყიდველს ხელშეკრულებით გათვალისწინებული შესყიდვის ობიექტი ხელშეკრულებით გათვალისწინებული პირობების შესაბამისად.

14.2 მიმწოდებელი იღებს ვალდებულებას, რომ მიაწოდოს შემსყიდველს უფლებრივად და ნივთობრივად უნაკლო, მაღალი ხარისხის შესყიდვის ობიექტი, რომელიც უპასუხებს ხელშეკრულებით გათვალისწინებულ მოთხოვნებს, წინააღმდეგ შემთხვევაში მიმწოდებელი ვალდებულია საკუთარი სახსრებით თავად უზრუნველყოს ნაკლის აღმოფხვრა.

14.3 მიმწოდებელი პასუხისმგებელია შესყიდვის ობიექტის ხარისხზე, მათ შორის მთელი საგარანტიო ვადის განმავლობაში, შესყიდვის ობიექტის საგარანტიო ვადები მოცემულია ხელშეკრულებაზე თანდართულ ფასების 5 ცხრილში და აითვლება მხარეთა მიერ შესყიდვის ობიექტის მიღება-ჩაბარების აქტის ხელმოწერის დღიდან, საგარანტიო პერიოდში წარმოქმნილ დეფექტების აღმოფხვრას საქონლის შეცვლას ახლით 5 სამუშაო დღის ვადაში საკუთარი სახსრებით უზრუნველყოფს მიმწოდებელი. დეფექტის აღმოფხვრის ვადის დარღვევის შემთხვევაში მიმწოდებელს დაეკისრება პირგასამტეხლო ყოველ ვადაგადაცილებულ დღეზე დეფექტის მქონე შესყიდვის ობიექტის ღირებულების 1%-ის ოდენობით.

15. სხვა დებულებები

15.1 ხელშეკრულება შედგენილია ქართულ ენაზე ორი თანაბარი იურიდიული ძალის მქონე ეგზემპლარად. რომელთაგან ერთი ეგზემპლარი განკუთვნილია მიმწოდებლისთვის, ხოლო მეორე – შემსყიდველისთვის.

შემსყიდველი: იაკობ ლლონტი /



მიმწოდებელი: ირაკლი ჯანგულაშვილი /



ფასების ცხრილი							
№	საქონლის დასახელება	აღწერილობა	რაოდ.	ერთ. ფასი	ჯამი	საქონლის მწარმოებელი ქვეყანა/კომპანია	საგარანტიო ვადა
1	მაისური (მოკლე მკლავით)	მაისური "პოლოს" მუქი ცისფერი ფერის, საცელოსა და მკლავების ბოლოს ლურჯი კანტებით, მოკლე მკლავებით, მაისური იკვრება წინ 3 ღილით და 3 ღილიკილოთი, საცელო მდგრადი, გარეზინებული, საცელოდან მიუყვება ლურჯი კანტი ღილიკილოების ბოლომდე, მკლავების ბოლოები გარეზინებული, მკერდზე კეთდება ნაქარგი წარწერით „შსს აკადემია“, ზურგზე კეთდება ნაქარგი წარწერით „სსიპ საქართველოს შსს აკადემია“, შვერონი და საქართველოს დროშა მკლავებზე შესრულებული უნდა იყოს შოლკოგრაფიის მეთოდით, ქსოვილი 90% +/- 10 კომბედ კოტონი, ქსოვილის 1 მ2 არანაკლებ 180 გრამი.	600	15.9	9540.00	საქართველო, შპს "ენ თი სი"	საქონელზე ვრცელდება 1 (ერთი) წლიანი საგარანტიო ვადა მიღება-ჩაბარების აქტის გაფორმებიდან.
2	მაისური (გრძელი მკლავით)	მაისური "პოლოს" მუქი ცისფერი ფერის, საცელოსა და მკლავების ბოლოს ლურჯი კანტებით, გრძელი მკლავებით, მაისური იკვრება წინ 3 ღილით და 3 ღილიკილოთი, საცელო მდგრადი, გარეზინებული, საცელოდან მიუყვება ლურჯი კანტი ღილიკილოების ბოლომდე, მკლავების ბოლოები გარეზინებული, მკერდზე კეთდება ნაქარგი წარწერით „შსს აკადემია“, ზურგზე კეთდება ნაქარგი წარწერით „სსიპ საქართველოს შსს აკადემია“, შვერონი და საქართველოს დროშა მკლავებზე შესრულებული უნდა იყოს შოლკოგრაფიის მეთოდით, ქსოვილი 90% +/- 10 კომბედ კოტონი, ქსოვილის 1 მ2 არანაკლებ 180 გრამი.	600	17.9	10740.00		
3	კეპი	კეპი შსს აკადემიის ლოგოთი (ნაქარგი), ფერი მუქი ლურჯი, ქსოვილი - ბამბა არანაკლებ 50% +/- 10 დანარჩენი პოლიესტერი, ქსოვილი არანაკლებ 200 გრ. უკან ზომის მარეგულირებელი შესაკრავით.	600	5.85	3510.00		
მთლიანი ჯამური ღირებულება					23790.00		

შემსყიდველი:

ი. ლლონტი



მიმწოდებელი:

ი. ჯანგულაშვილი

[Handwritten signature]

